

宋  
名  
家  
詞

題書舟詞

程正伯以詩詞名鄉之人所知

也余頃歲遊都下數見朝士往

往亦稱道正伯佳句獨尚書尤

公以為不然曰正伯之父過於

詩詞此乃識正伯之大者也今

鄉人有欲刊正伯歌詞求余書

其首余以此告之且為言正伯

方為當塗諸公以制舉論薦使  
正伯惟以詞名世豈不小哉則  
曰古樂府亦文爾初何損於正  
伯之文哉余用是樂為書之雖

然昔晏殊原以大臣子處富貴  
之極為靡麗之詞其政事堂中  
舊客尚欲其捐有餘之才豈未  
至之德者蓋殊原獨以詞名爾

他文則未傳也至少游魯直則  
已兼之故陳無已之作自云不  
減秦七黃九是亦推尊其詞爾  
余謂正伯為秦黃則可為叔原

則不可紹熙甲寅端午前一日

王稱季平序

書舟詞

目錄

摸魚兒 一調

洞庭春色 一調

南浦 一調

水龍吟 一調

四代好 一調

木蘭花慢 一調

念奴嬌 一調

閨怨無悶 一調

八聲甘州 一調

滿庭芳 一調

玉漏遲 一調

滿江紅 三調



書舟詞目

汲古閣

雪獅兒

一調

攤破江城子

一調

驀山溪

一調

最高樓

一調

瑤堦草

一調

上平曲

一調

孤雁兒

二調

一叢花

一調

祝英臺近

一調

碧牡丹

一調

小桃紅

一調

紅娘子

一調

天仙子

一調

青玉案

一調

芭蕉雨

一調

酷相思

一調

漁家傲

二調

攤破南鄉子

一調

破陣子

一調

折紅英

一調

一剪梅

三調

臨江仙

二調

鳳栖梧

十五調

醉落魄

三調

南鄉子

三調

鵲橋仙

一調

虞美人

一調

木蘭花

二調

瑞鷓鴣

二調

鷓鴣天

三調

浪淘沙

一調

雨中花令

三調

望江南

一調

望秦川

三調

雨歌子

五調

入塞

一調

西江月

三調

眼兒媚

一調

朝中措

五調

烏夜啼

四調

虞美人影

一調

一落索

二調

憶秦娥

三調

好事近

四調

清平樂

四調

謁金門

七調

卜算子

三調

霜天曉角

二調

減字木蘭花

一調

菩薩蠻

十五調

浣溪沙

五調

點絳脣

一調

愁倚欄令

二調

生查子

三調

長相思

三調

如夢令

一調

憶王孫

一調

書舟詞目

汲古閣

書舟詞目錄終

書舟詞

宋程垓

摸魚兒

掩淒涼黃昏庭院角聲何處嗚咽矮窗曲屋風  
燈冷還是苦寒時節凝竚切念翠被熏籠夜夜  
成虛設倚闌愁絕聽鳳竹聲中犀幃影外簌簌  
釀寒輕雪傷心處却憶當年輕別梅花滿院  
初發吹香弄蕊無人見惟有暮雲千疊情未徹

又誰料而今好夢分胡越不堪重說但記得當初重門鎖處猶有夜深月

洞庭春色

錦字親裁淚巾偷裊細說舊時記笑桃門巷粧  
窺寶曆弄花庭榭香溼羅衣幾度相隨遊冶去  
任月細風尖猶未歸多少事有垂楊眼見紅燭  
心知如今事都過也但贏得雙鬢成絲歎半  
妝紅莖相思有分兩分青鏡重合難期惆悵一

春飛絮夢悠颺教人分付誰銷魂處又梨花雨  
暗半掩重扉

南浦

金鴨嬾熏香向晚來春醒一枕無緒濃綠漲瑤  
窗東風外吹盡亂紅飛絮無言竚立斷腸惟有  
流鶯語碧雲欲暮空惆悵韶華一時虛度 追  
憶昔年春恨都付斷雲殘雨黃昏院落問誰猶在



凭闌處可堪杜宇空只解聲聲催他春去

水龍吟

夜來風雨恁恁故園定是花無幾愁多愁極等  
閒孤負一年芳意柳困花慵杏青梅小對人容  
易算好春長在好花長見元只是人顚顚 回  
首池南舊事恨星星不堪重記如今但有看花  
老眼傷時清淚不怕逢花瘦只愁怕老來風味  
待繁紅亂處留雲借月也須拚醉

四代好

翠幙東風早蘭窗夢又被鶯聲驚覺起來空對  
平階弱絮滿庭芳草厭厭未欣懷抱記柳外人  
家曾到凭画欄那更春好花好酒好人好春  
好尚恐闌珊花好又怕飄零難保直饒酒好酒  
未抵意中人好相逢盡拚醉倒況人與才情未  
老又豈關春去春來花愁花惱

木蘭花慢

春怨

倩嬌顰婉燕說不盡此時情正小院春闌芳園  
畫鎖人去花零憑高試回望眼奈遙山遠水隔  
重雲誰遣風狂雨橫便教無計畱春情知雁  
杳與鴻冥自難寄丁寧縱柳院顰深桃門笑在  
知屬何人衣篝幾回忘了奈殘香猶有舊時熏  
空使風頭卷絮爲他飄蕩花城

念奴嬌

秋夜

秋風秋雨正黃昏供斷一窗愁絕帶減衣寬誰

念我難忍重城離別轉枕褰帷挑燈整被總是  
相思切知他別後負人多少風月不是怨極  
愁濃只愁重見了相思難說料得新來魂夢裏  
不管飛來蝴蝶排悶人間寄愁天上終有歸時  
節如今無奈亂雲依舊千疊

閨怨無悶

天與多才不合更與殢柳怜花情分甚總爲才  
情惱人方寸早是春殘花褪也不料一春都成

病自失笑因甚腰圍半減淚珠頻掬難省也  
怨天也自恨怎免千般思忖倩人說與又却不  
忍拚了一生愁悶又只恐愁多無人問到這裏  
天也怜人看他穩也不穩

八聲甘州

問東君旣解遣花開不合放花飛念春風枝上  
一分花減一半春歸忍見千紅萬紫容易漲桃  
溪花自隨流水無計追隨不忍憑高南望記

舊時行處芳意菲菲嘆年來春減花與故人非  
總使梁園賦猶在奈長卿老去亦何爲空搔首  
亂雲堆裏立盡斜暉

滿庭芳

時在臨安  
晚秋登臨

南月驚鳥西風破雁又是秋滿平湖採蓮人盡  
寒色戰菰蒲舊信江南好景一萬里輕覓尊鱸  
誰知道吳儂未識蜀客已情孤憑高增悵望  
湘雲盡處都是平蕪問故鄉何日重見吾廬縱

有荷紉芰製終不似菊短籬疎  
歸情遠三夏雨  
夢依舊遶庭梧

玉漏遲

一春渾不見邙堪又是花飛時節  
忍對危闌數  
曲算雲千疊門外星星柳眼看誰  
似當時風月  
愁萬結憑誰爲我慙勤低說  
不是慣却春心  
奈新燕傳情舊鶯饒舌冷篆餘香  
莫放等閒消  
歇縱使繁紅褪盡猶自有酴醿堪  
折魂夢切不

耐飛來蝴蝶

滿江紅

憶別

門掩垂楊寶香度翠簾重疊春寒在羅衣初試  
素肌猶怯薄靄籠花天欲暮小風送角聲初咽  
但獨寒幽幌悄無言傷初別衣上雨眉間月  
滴不盡顰空切羨栖梁歸燕入簾雙蝶愁緒多  
於花絮亂柔腸過似丁香結問甚時重理錦囊  
書從頭說



又

水遠山明秋容淡不禁搖落況正是樓臺高處  
晚涼猶薄月在衣裳風在袖水生枕簟香生幙  
算四時佳處是清秋須行樂東籬下西窗角  
尋舊菊催新酌笑廣平何事對秋瀟索搖葉聲  
聲深院宇折荷寸寸閒池閣待歸來閒把木犀  
花重熏却

又

葺屋爲舟身便是煙波釣客況人間元似泛家  
浮宅秋晚雨聲篷背穩夜深月影窗櫺白滿船  
詩酒滿船書隨宜索也不怕雲濤隔也不怕  
風帆側但獨醒還睡自歌還歌臥後從教鯽鱈  
舞醉來一任乾坤窄恐有時撐向大江頭占風  
色

雪獅兒

斷雲低晚輕煙帶暝風驚羅幙數點梅花香倚

雪窗搖落紅爐對謔正酒面瓊酥初削雲屏煖  
不知門外月寒風惡迤邐慵雲半掠笑盈盈  
閒弄寶箏絃索暝極生春已向橫波先覺花嬌  
柳弱漸倚醉要人樓着低告託早把被香熏却  
攤破江城子

娟娟霜月又侵門對黃昏怯黃昏愁把梅花獨  
自泛清樽酒又難禁花又惱漏聲遠一更更總  
斷魂斷魂不堪聞被半溫香半溫睡也

睡也睡不穩誰與溫存只有床前紅燭伴啼痕  
一夜無眠連曉角人瘦也比梅花瘦幾分

驀山溪

老來風味是事都無可只愛小書舟  
牘圍着琅玕幾個呼風約月隨分樂生涯不羨富不憂貧  
不怕烏蟾墮三盃徑醉轉覺乾坤大醉後百  
篇詩儘從他龍吟鶴和升沉萬事還與本來天  
青雲上白雲間一任安排我

書舟詞

最高樓

舊心事說著兩眉羞記得凭肩遊綰裙羅襪桃花  
花坼薄衫輕扇杏花樓幾番行幾番醉幾番畱  
也誰料春風吹已斷又誰料朝雲飛亦散天  
易老恨難酬蜂兒不解知人苦燕兒不解說人  
愁舊情懷消不盡幾時休

瑤階草

空山子規叫月破黃昏冷簾幙風輕綠暗紅又

盡自從別後粉銷香膩一春成病那堪晝閒日  
永恨難整起來無語綠萍破處池光淨悶理  
殘粧照花獨自怜瘦影睡來又怕飲來越醉醒  
來却悶看誰似我孤另

上平曲

惜春

愛春歸憂春去爲春忙旋點檢雨障雲妨遮紅  
護綠翠幃羅幙任高張海棠明月杏花天更惜  
濃芳喚鶯吟招蝶拍迎柳舞倩桃妝盡呼起

萬籟笙簧一觴一味儘教陶瀉繡心腸笑他人  
世漫嬉遊擁翠偎香

孤雁兒

在家不覺窮冬好向客裏方知道故園梅子正  
開時記得清樽頻倒高燒紅蠟暝熏羅幌一任  
花枝惱如今客裏傷懷抱忍雙鬢隨花老小  
窗獨自對黃昏只有月華飛到假饒真個雁書  
頻寄何似歸來早

又

有尼從人而復出者  
戲用張子野事賦此

雙鬟乍綰橫波溜記當日香心透誰教容易逐  
鷄飛輪却春風先手天公元也曾人顚顚放出  
花枝瘦 幾宵和月來相就問何處春山鬪祇  
應深院鎖嬋娟枉却嬌花時候何時爲我小梯  
橫閣試約黃昏後

一叢花

閨怨○或  
刻御街行

傷春時候一憑闌何況別離難東風只解催人



去也不道別老花殘青牋未約紅綃忍淚無計  
鎖征鞍寶釵瑤鈿一時閒此恨苦天慳如今  
直恁拋人去也不念人瘦衣寬歸來忍見重樓  
淡月依舊五更寒

祝英臺近

春晚

墜紅輕濃綠潤深院又春晚睡起厭厭無語小  
粧嬾可堪三月風光五更魂夢又都被杜鵑催  
儻怎消遣人道愁與春歸春歸愁未斷閒倚

銀屏羞怕淚痕滿斷腸沉水重熏瑤琴閒理奈  
依舊夜寒人遠

碧牡丹

睡起情無著曉雨盡春寒弱酒盞飄零幾日頓  
疎行樂試數花枝問此情何若爲誰開爲誰落  
正愁却不是花情薄花元笑人蕭索舊觀千  
紅至今冷夢難託燕麥春風更幾人驚覺對花  
羞爲花惡

小桃紅

不恨殘花舞不恨殘春破只恨流光一年一度  
又催新火縱青天白日繫長繩也畱春得麼  
花院從教鎖春事從教過燒筍闌林嘗梅臺榭  
有何不可已安排珍簾小胡床待日長閒坐

紅娘子

小小閒窗底曲曲深屏裏一枕新涼半床明月  
畱人歡意奈梅花引裏喚人行苦隨他無計

幾點清觴淚數曲鳥絲紙見少離多心長分短  
如何得是到如今畱下許多愁枉教人顚顚

天仙子

慘慘霜林冬欲盡又是溪梅寒弄影矮窗曲屋  
夜香燒人已靜燈垂燼點滴芭蕉和雨聽約  
個歸期猶未定一夜夢魂終不穩知他勾得許  
多情真個悶無人問說與画樓應不信

青玉案

用賀方  
回韵

寶林巖畔凌雲路記繡州尋梅去詠綠書紅知  
幾度行雲却後碧雲遮斷寂莫人何處一聲  
長笛江天算別後誰吟倚樓句句面照溪心已  
許欲憑錦字寫人愁去生怕梨花雨

芭蕉雨

雨過涼生藕葉晚庭消盡暑渾無熱枕簟不勝  
香滑爭奈寶帳情生金尊意愜玉人何處夢  
蝶思一見冰雪須寫個帖兒丁寧說試問道肯

來麼今夜小院無人重樓有月

酷相思

惜別

月掛霜林寒欲墜正門外催人起奈離別如今  
真個是欲住也畱無計欲去也來無計馬上  
離情衣上淚各自供顚顚問江路梅花開也未  
春到也須頻寄人到也須頻寄

漁家傲

彭門道中早起

野店無人霜似水清燈照影寒侵被門外行人

催客起因個事老來方有思家淚  
寄問梅花開也未愛花只有歸來是想見小喬歌舞地渾  
含喜天涯不念人顚顚

又

獨木小舟煙雨溼燕兒亂點春江碧江上青山  
隨意覓人寂寂落花芳草催寒食  
昨夜青樓今日客吹愁不得東風力細拾殘紅書怨泣流  
水急不知那個傳消息

攤破南鄉子

休賦惜春詩畱春住說與人知一年已負東風  
瘦說愁說恨數期數刻只望歸時莫恠杜鵑  
啼真個也喚得人歸歸來休恨花開了梁間燕  
子且教知道人也雙飛

破陣子

小小紅泥院宇深深翠色屏幃簇定熏爐酥酒  
軟門外東風寒不知恰疑三月時釵影半欹



綠子歌聲輕度紅兒醉裏不愁夏漏斷夏要梅  
花看幾枝起來霜月低

折紅英

即紅頭鳳正伯  
夏名折紅英

桃花煙楊花亂可憐朱戶春強半長記憶探芳  
日笑凭郎肩帶紅偎碧惜惜惜春宵短離腸  
斷淚痕長向東風滿憑青翼問消息花謝春歸  
幾時來得憶憶

一剪梅

舊日心期不易招重來孤負幾個良宵尋常不  
見儘相邀見了知他許大無聊昨夜梅花插  
翠翹影落清溪應也魂消假饒真個住山腰那  
個金章換得漁樵

又

小會幽歡整及時花也相宜人也相宜寶香未  
斷燭光低莫厭盃遲莫恨歡遲夜漸深深漏  
漸稀風已侵衣露已沾衣一盃重勸莫相違何

似休歸何自歸

又

斗轉參橫一夜霜  
玉律聲中又報新陽起來無  
緒賦行藏只喜人間一線添長  
簾幙垂垂月  
半廊節物心情都付椒觴  
年華漸晚鬢毛蒼身  
外功名休苦思量

臨江仙

合江放舟

送我南來舟一葉  
誰教催動鳴榔高城不見水

茫茫雲灣纔幾曲折盡九回腸  
買酒澆愁愁不盡江煙也共淒涼  
和天瘦了也何妨只愁今夜雨  
更做淚千行

又

濃綠鎖窗閒院靜照人明月團團  
夜長幽夢見伊難瘦從香臉薄  
愁到翠眉殘只道花時容易見  
如今花盡春闌四樓依舊五更寒  
可憐紅繡被空記合時歡

鳳棲梧

客臨安連日愁霖  
旅枕無寐起作

九月江南煙雨裏客枕淒涼到曉渾無寐起上  
小樓觀海氣昏昏半約漁樵市斷雁西邊家  
萬里料得秋來笑我歸無計劒在床頭書在几  
未甘分付黃花淚

又

有客錢塘江上住十日坐居九日愁風雨斷送  
一春彈指去荷花又遶南山渡湖上幽尋君

已許消息不來望得行雲算芳艸夢魂應記取  
不成忘却池塘句

又

門外飛花風約住消息江南已釀黃梅雨蜀客  
望鄉歸不去當時不合催南渡憂國丹心曾  
獨許縱吐長虹不奈斜陽算莫道春光難攬取  
少陵辨得尋花句

又

南窗  
偶題

薄薄窗油清似鏡  
兩面疎簾四壁文  
書靜小篆焚香消日永  
新來識得閒中性  
人愛入嫌都莫問絮自沾泥  
不怕東風緊  
只有詩狂消不盡  
夜來題破窗花影

又

送子廉姪南下

九月重湖寒意早  
目斷黃雲冉冉連  
衰草慘別臨江愁滿抱  
酒樽時事都相惱  
聞道吳天消息好  
鴛鴦西池咫尺君應到  
若見故人相問勞

爲言未分書舟老

又

下十闕或另刻蝶戀花

日下船篷人未起一個燕兒說盡傷春意江上  
殘花能有幾風催雨促成容易 湖海客心千  
萬里著力東風推得人行未相次桃花三月水  
菱歌誰伴西湖醉

又

滿路梅英飛雪粉臨水人家先得春光嫩樓底



杏花樓外影牆東  
柳線牆西恨  
擷翠揉紅何處問  
暝入睂峰已作傷  
春困  
峭路月痕彎一寸  
芳心只爲東風損

又

春風一夕浩蕩  
號來柳色一新

寒意勒花春未足  
只有東風不管春  
拘束楊柳滿城吹  
又綠可人青眼還  
相屬  
小葉星星眠未熟  
看盡行人唱徹陽  
關曲  
心事一春何計續  
芳條未展睂先蹙

又

自東江藥靖過  
慕順渚園小飲

晴帶溪光春自媚  
繞翠縈青來約東風醉雲補  
斷山疎復綴雨回綠野清還麗  
拄杖不妨舒  
客意臨水人家問有花開未  
江左風流今有幾  
逢春不要人顚顚

又

翠幙成陰簾拂地  
池館無人四面生涼意  
荷氣  
竹香俱細細  
分明著莫清風袂  
玉枕如冰笙

似水纔暉橫釵早被夢呼起今夜月明人未睡  
只消三四分來醉

又

画閣紅爐屏四向梅擁寒香次第侵帷帳燭影  
半低花影恍修眉正托花枝傍 殢粉偎香羞  
一餉未識春風已覺春情蕩醉裏不知霜月上  
歸來已踏梅花浪

又

樓角吹花煙月墮的  
曉韶妍又向梅心破  
釵上綵旛看一個賞心已覺  
春生坐莫恨年華風雨過  
人日嬉遊次第連燈火  
翠幄高張金盞大已拚醉袖隨香輶

又

小院菊殘煙雨細  
天氣淒涼惱得人顚顚被暝  
橙香羞早起玉釵一任慵雲墜  
樓上珠簾鈎也未數尺  
遙山供盡傷高意  
竚立不禁殘酒味

書舟詞

汲古閣

繡羅依舊和香睡

又

月下有感

小院秋光濃欲滴  
獨自鉤簾細數歸鴻翼  
鴻斷天高無處覓  
矮窗催暝蛩催織  
涼月去人纔數尺  
短髮蕭騷醉傷西風立  
愁眼望天收不得  
露華衣上三更溼

又

晴日溪山春可數  
水遶池塘知有人家住  
尋日

尋花花不語舊時春恨還如許  
苦恨東風無  
意緒只解催花不解催人去  
日晚荒煙迷古戍  
斷魂正在梅花浦

醉落魄

賦石  
榴花

夏園初結綠深深處紅千疊  
杜鵑過盡芳菲歇  
只道無春滿意春猶慙  
折來一點如猩血  
透  
明冠子輕盈帖芳心感破情尤切  
不管花殘猶  
自揀雙葉

又

別少城舟宿黃龍

風催雨促今番不似前歡足  
早來最苦離情毒  
唱我新詞掩著面兒哭  
臨行只怕人行遠  
慙勤夏寫多情曲  
相逢已是腰如束  
從此知他還減幾分玉

又

晚涼時節翠梧風定  
蟬聲歇  
有人睡起香浮頰  
倚著闌干笑揀青荷葉  
如今往事愁難說  
曲

池依舊閒風月田田翠蓋香羅疊畱得露痕都  
是淚珠結

南鄉子

幾日訴離杼歌盡陽關不忍分此度天涯真個  
去銷魂相送黃花落葉村斜日又黃昏蕭寺  
無人半掩門今夜粉香明月淚休論只要羅巾  
記舊痕

又



纔合又輕離心事多違小窗燈影記親移可奈  
酒酣花困處不省人歸山翠又如眉腸斷幽  
期相思有夢阿誰知莫遣重來風絮亂不似當  
時

又

老去嬾尋花獨自生涯幾枝疎影漫窗紗昨夜  
月來人不睡看盡橫斜門外欲啼鴉香意凌  
霞從渠千樹遶人家世上一枝元也足不要隨

他

鵲橋仙

秋日寄懷

角聲吹月風聲落枕夢與柔腸俱斷誰教當日  
太情濃颺不下新愁一段黃花開了梅花開  
未曾約那時相見莫教容易負幽期怕真個孤  
他淚眼

虞美人

春愁

輕紅短白東城路憶得分襟處柳絲無賴舞春

柔不繫離人只解繫離愁  
如今花謝春將老  
柳下無人到月明門外子規啼喚得人愁爭似  
喚人歸

木蘭花

疎枝半作窺窗老  
又是一年春意早  
風低小院  
得香遲月傍女牆和影好  
去年苦被離情惱  
今日逢花休草草  
後時花紫盡從他  
且趁先春  
拚醉倒

又

二江得書作

別時已有重來願誰料情多天不管分明咫尺  
是青樓抵死濃雲遮得徧寄聲只倚西飛雁  
雁落書回空是怨領愁歸去有誰知水又茫茫  
山又斷

瑞鷓鴣

瑞香

東風冷落舊梅臺猶喜山花拂面開紺色染衣  
春意淨水沉熏骨晚風來柔條不學丁香結

書舟詞

汲古閣

矮樹仍叅茉莉栽  
安得方盆栽幽植  
道人隨處作香材

又

春日  
金閣

門前楊柳綠成陰  
翠塢籠香徑自深  
遲日暝黑芳草眼  
好風輕撼落花心  
無多春恨鶯難語  
最晚朝眠蝶易尋  
惟有狂醒不相貸  
釀成顛顚到如今

鷓鴣天

昨夜思量直到明拂明心緒更愁人風披露葉  
高低怨冷雨寒煙各自輕休賴酒莫求神爲  
誰教爾許多情如今早被思量損好更當時做  
弄成

又

木落江空又一秋大寒幾日不登樓紅綃帳裏  
橙猶在青瑣窗深菊未收新画閣小書舟篆  
煙熏得晚香畱只因貪伴開爐酒惱得紅兒一

夜謳

又

寄少

淚溼芙蓉城上花片飛何事苦叅差鎖深不奈  
鬢無語巢穩爭如燕有家情未老鬢先華可  
怜各自淡生涯楊花不解知人意猶自沾泥也  
學他

浪淘沙

山盡兩溪頭水合天浮行人莫賦大江愁且是

芙蓉城下水還送歸舟  
魚雁兩悠悠煙斷雲  
收誰教此水却西流  
載我相思千點淚還與青  
樓

雨中花令

聞說海棠開盡了怎生得夜來一笑顰綠枝頭  
落紅點裏問有愁多少  
小院閉門春悄悄禁  
不得瘦腰如嫋豆蔻濃時  
醺醺香處試把菱花  
照



又

舊日愛花心未了  
緊消得花時一笑幾日春寒  
連宵雨悶不道幽歡少  
記得去年深院悄  
梁畔一枝香嫋嫋  
說與西樓後來明月莫把梨花  
照

又

卷地芳春都過了  
花不語對人含笑  
花與人期人怜花病瘦  
似人多少  
聞道重門深悄悄  
愁

不盡露啼煙嫋斷得相思除非明月不把花枝  
照

望江南

夜泊龍橋灘  
前遇雨作

蓬上雨蓬底有人愁身在漢江東畔去不知家  
在錦江頭煙水兩悠悠 吾老矣心事幾時休  
沉水熨香年似日薄雲垂帳夏如秋安得小書

舟

家有擬舫  
名書舟

望秦川

早春  
感懷

柳弱眠初醒  
梅殘舞尚凝  
春陰將冷  
傷簾幃又  
是東風和恨  
向人歸  
樂事燈前記  
愁腸酒後  
知老來無計  
遣芳時  
只有閒情  
隨分品花枝

又

竹粉翻新籜  
荷花拭靚妝  
斷雲侵晚度  
橫塘小  
扇斜釵依約  
傍牙床  
蘸蜜分紅荔  
傾筒瀉碧  
香醉時風雨  
醒時涼  
明月多情  
依舊過西廂

又

翠黛隨粧淺。銖衣稱體香。好風偏與十分涼。却  
扇含情，獨自遶池塘。碧藕絲絲嫩，紅榴葉葉  
雙牽絲。摘葉爲誰忙。情到歡歡，拚醉又何妨。

### 南歌子

雨燕翻新幙，風鴈遶舊枝。画堂春盡日遲遲。又  
是一番平綠漲西池。病起尊難盡，腰寬帶易  
垂。不堪村落子規啼。問道行人一去幾時歸。

又

楊光輔又  
寄示尋春

書舟詞

淡靄籠青瑣輕寒薄翠綃有人顚顚帶寬腰又  
見東風不忍見柔條悶酒尊難盡閒香篆易  
銷夜來溪雪已平橋溪上梅魂憑仗一相招

又

早春

梅塢飛香定蘭窗翠色齊水邊沙際又春歸領  
略東風能有幾人知愛月眠須晚尋花去未  
遲誰家庭院夏芳非費盡才情休負一春詩

又

荷蓋傾新綠榴巾感舊紅水亭煙榭晚涼中又  
是一鈎新月靜房櫳絲藕清如雪幙紗薄似  
空好維今夜與誰同喚取玉人來共一簾風

又

野水尋溪路青山踏晚春偶來相值却鍾情一  
樹瓊瑤洗盡客衣襟曲沼通詩夢幽窗淨俗  
塵何時散髮伴襜裙後夜相思生怕月愁人

入塞

書舟詞

二十九

汲古閣

好思量正秋風半夜長奈銀缸一點耿耿背西  
窗衾又涼枕又涼露華淒淒月半床照得人  
真個斷腸窗前誰漫木犀黃花也香夢也香

西江月

衆綠初圍夏蔭老紅猶駐春粧画簾燕子日偏  
長靜看新雛來往

[illegible]

又

或與上文混作一闕非。茲調雖有後段要韻者玩此詞文情迥非一闕

汲井漫隨蘭炷 心情半恹

羅衣粉香銷盡無人覷  
只門外子規啼

又

牆外雨肥梅子堦前水遶荷花陰陰庭戶熏風  
滿水紋簾怯菱芽春盡難憑燕語日長惟有  
蜂衙沉香火冷珠簾算個人在碧窗紗

眼兒嬌



一枝煙雨瘦東牆  
真個斷人腸  
不爲天寒日暮  
誰怜水遠山長  
相思月底相思竹外  
猶自禁  
當只恐玉樓貪夢輸他  
一夜清香

朝中措

矮窗西畔翠荷香  
人在小池塘  
何事未拈棋局  
却來閒倚胡床  
金盆弄水玉釵彈鬢  
妝嬾何妨  
莫道困來不飲  
今宵恰恨天涼

又

茶詞

華筵飲散撒芳尊人影亂紛紛且約玉驄留住  
細將團鳳平分一甌看取招回酒興爽徹詩  
魂歌罷清風雨腋歸來明月千門

又

湯詞

龍團分罷覺芳滋歌徹碧雲詞翠袖且留纖玉  
沉香載捧冰垆一聲清唱半甌輕啜愁緒如  
絲記取臨分餘味圖教歸後相思

又

詠三十  
九數

書舟詞

三十一

汲古閣

真遊六六洞中仙騎鶴下三天休道日斜歲暮  
行年方是韶華相逢一笑此心不動須待明  
年要得安排穩當除非四十相連

樂天詩有行年三十九歲

算日斜時之句

又

片花飛後水東流無計挽春畱香小誰栽杜若  
夢回依舊揚州破瓜年在嬌花艷冶舞柳纖  
柔莫道劉郎霜鬢才情未放春休

烏夜啼

楊柳拖煙漠漠梨月浸月溶溶吹香院落春還  
盡顚顚立東風只道芳時易見誰知密約難  
通芳園遶徧無人問獨自拾殘紅

又

醉枕不能寐

白酒欺人易醉黃花笑我多愁一年只有秋光  
好獨自却悲秋風急常吹夢去月遲多爲人  
留半黃橙子和詩卷空自伴床頭

畫舟詞

三十二

汲古閣

又

綠外深深柳港紅  
問曲曲花樓一春想見貪遊  
冶不道有人愁  
三月東風易老幾宵明月難  
畱醺醺白盡窗前也還肯醉來否

又

靜院槐風綠漲小窗梅雨黃  
坐欲看春事畱連  
處惟有夜寒知  
夢長閒消午醉埽花共坐風  
涼歸來窗北胡床興在義皇以上

虞美人影

粉霜拂拂凝香砌。醞釀梅花天氣。月上小窗如水。冷浸人無寐。平生可慣閒顚顚。擔負新愁不起。消遣夜長無計。只倚熏香睡。

一落索

門外鶯寒楊柳正。減歡疎酒。春陰早是做人愁。更何況花飛後。莫倚東風消瘦。有醪醖入手。儘偎香玉醉。何妨任花落愁依舊。

又

歌者索詞  
名一東

小小腰身相稱。更著人心性。一聲歌起。繡簾陰  
都遏。住行雲影。聞道玉郎家。近被春風勾引。  
從今莫怪。一東看自壓。盡人間韻。

憶秦娥

青門深海棠開盡。春陰陰。春陰陰。萬重雲水一  
寸歸心。玉樓深鎖煙消沉。知他何日同登臨。  
同登臨。待收紅淚。細說如今。

又

情脉脉半黃橙子和香擘和香擘分明記得袖  
香熏窄別來人遠關山隔見梅不忍和花摘  
和花摘有書無雁寄誰歸得

又

愁無語黃昏庭院黃梅雨黃梅雨新愁一寸舊  
愁千縷杜鵑叫斷空山苦相思欲計人何許  
人何許一重雲斷一重山阻

書舟詞



好事近

資中道中無雙城感懷作

別夢記春前春盡苦無歸日想見鵲聲庭院誤  
幾回消息萬重離恨萬重山無處說忠憶只  
有路傍雙堠也隨人孤隻

又

待月不至

天淡一簾秋明月幾時來得何事桂低香近把  
清光邀勒人間明晦總由天何必問通塞且  
爲人如月好醉莫分南北

又

煙盡戍樓空。又是一簾佳月。何事山城畱滯負。  
好花時節。燒燈剪綵。沒心情。應有翠娥說欲。  
借好風吹恨。奈亂雲愁疊。

又

急雨鬧冰荷。銷盡一襟煩暑。趁取晚涼幽會近。  
翠陰濃處。風梢危滴。撼珠璣。灑面得新句。莫。  
惜玉壺傾盡。待月明歸去。

清平樂

山城桃李催促春無幾  
日日爲花須早起猶惜  
花無計 阿誰畱得春風長  
教遶綠圍紅莫遣  
十分芳意輸他萬點愁容

又

臨江府南次  
紅木犀詞

秋香誰買散入琉璃界  
點綴小紅全不礙還却  
鉛華餘債 夜來月底相期  
一枝未覺香遲恰  
似青綾帳底絳羅初試裙兒

又

詠雪

疎疎整整風急花無定紅燭照筵寒欲凝時見  
篩簾玉影夜深明月籠紗醉歸涼面香斜猶  
有惜梅心在滿庭誤作吹花

又

綠深紅少柳外橫橋小雙燕不知幽夢好驚起  
碧窗春曉起來瞢憊多時玉臺金鏡慵移多  
少春愁未說却來閒數花枝

言  
詞金門

花

春悄悄紅到一枝先巧酒入半腮微帶卵粉寒  
香未飽芳意枝頭偏開困盡蜂鬚鬢爪擬倩  
玉纖和露拘情多愁易攪

又

茶蘼

花簇簇觸眼萬條垂玉小院春深窗鎖綠水沉  
風斷續明月又侵樓曲羞向枕囊拘束只待  
夜深清影足醉來花底宿

又

陪蘇子重緒  
友飲東山

烏帽側行徧杏花春色野意青青分隴麥人家  
煙水隔春事莫催行客彈指青梅堪摘醉倚  
暮天江拍拍雨晴沙路白

又

起病

花半溼一霎晚雲籠密天氣未佳風又急小庭  
愁獨立酒病起來無力懊惱篆煙鎖碧一餉  
春情無處覓小屏山數尺

書舟詞

三十七

汲古閣

又

春夜雨催潤柳塘花塢小院深深門幾許画簾  
香一縷 獨立晚庭凝竚細把花枝閒數燕子  
不來天欲暮說愁無處所

又

風陣陣吹落楊花無定酒病恹恹三月盡花檀  
紅自隱 新綠軒牕清潤月影又移牆影手撚  
青梅無處問一春長悶損

又

濃睡醒驚對一簾秋影  
楓葉乍零風不定半窗  
疎雨影 愁與年光不盡老  
入星星雙鬢只擬上樓尋  
遠信雁遙煙水暝

卜算子

枕簟暑風消簾幙秋風動  
月到夜來愁處明只照團  
衾鳳 去意杳無憑別語  
愁難送一紙魚牋枕底香  
且做新來夢

書舟詞



又

獨自上層樓樓外青山遠望到斜陽欲盡時不  
見西飛雁 獨自下層樓樓下蛩聲怨待到黃  
昏月上時依舊柔腸斷

又

幾日賞花天月淡荼蘼小寫盡相思喚不來又  
是花飛了 春在怕愁多春去怜歡少一夜安  
排夢不成月墮西窗曉

霜天曉角

幾夜瑣窗揭素蟾光似雪恰恨照人欹枕紗幮  
爽簾紋滑迢遞篆香裏好懷誰共說若是知  
人風味來分付半牀月

又

玉清冰樣潔幾夜相思切誰料濃雲遮擁同心  
帶甚時結 匆匆休惜別還有來時節記取江  
陰歸路須共踏夜深月

減字木蘭花

雙雙相竝一點紅邊偏照映玉剪雲裁不比浮  
花芙蓉開幾回心下選勝摘來情自足插向  
雲鬟要與仙郎比竝看

菩薩蠻

和風暝日西郊路遊人又踏青山去何處碧雲  
衫映溪纔雨三疎松分翠黛故作羞春態回  
首杏煙消月明歸渡橋

又

春回綠野煙光薄  
低花矮柳田家樂  
隴麥又青  
青喧蜂閒趁人  
野翁忘近遠  
怪識劉郎面  
斷却小橋溪  
怕人溪外知

又

訪江東  
外家作

画橋拍拍春江綠  
行人正在春江曲  
花潤接平  
川有人花底眠  
東風元自好  
只怕催花老  
安得萬垂楊  
繫教春日長

書舟詞

四十

汲古閣

又

平蕪冉冉連雲綠斜陽襯雨明溪足小鴨睜睛  
沙翠煖三兩花春光閒婉婉盡日無人見試  
著小屏山圖歸雲際看

又

正月三日  
西山卽事

山頭翠樹調鸞舌山腰野菜飛黃蝶來爲等閒  
休去成多少愁小庭花木改猶有啼痕在別  
後不曾看怕花和淚殘

又

羅衫乍試寒猶怯  
妬花風雨連三月  
燈冷閉門時  
有愁誰得知  
此情真個苦  
只爲當時語  
莫道絮沾泥  
絮飛魂亦飛

又

夜來花底鶯  
饒舌把人心事分  
明說許大好因緣  
只成容易傳  
春闌無好計  
唯有歸來是從  
此玉臺前  
曉粧休太妍

又

小窗蔭綠清無暑  
篆香終日縈蘭炷  
冰簟漲寒濤  
清風一枕高  
有人團扇却門掩  
庭花落少  
待月侵床照  
教魂夢涼

又

文四

暑庭消盡風鳴樹  
樹鳴風盡消  
庭暑橫枕一聲  
鶯鶯聲一枕橫  
扇綈低粉面  
面粉低綈扇涼  
月淡侵床床侵淡  
月涼

又

東風有意畱人住  
黑風無意催人去  
去住兩茫茫  
然相逢成短緣  
平生花柳笑過後  
關心少  
今日奈情何  
爲伊饒恨多

又

去年恰好雙星節  
鵲橋未渡人離別  
不恨障雲生  
恨他真個行  
天涯消息近  
不見棄鸞影  
柳外鷓鴣聲  
幾回和夢驚



又

淺寒帶暝和煙下輕陰挾雨隨風灑翠幙護重  
簾篆香銷半奩平生風雨夜怕近芭蕉下今  
夕定愁多蕭蕭聲奈何

又

客窗曾剪燈花弄誰教來去如春夢冷落舊梅  
臺小桃相次開一入間春易老只有山中好閑  
却慳花籬莫教溪外知

又

曉煙籠日浮山翠春風著水回川媚遠近碧重  
重人家山色中 野花香自度似識幽人處安  
得著三間與山終日閑

又

扶犁野老田東睡插花山女田西醉醉眼眩東  
西看看桃滿溪 耕桑山下足紈綺人間俗莫  
管舊東風從教吹軟紅

浣溪沙

病中寄以蘭花  
韻供者戲書

天女慇懃著意多  
散花猶記病維摩  
肯來丈室問云何  
腰佩摘來煩玉笋  
鬢香分處想秋波  
不知真個有情麼

又

遙想當年出鳳雛  
王口風有未全疎  
祇今朱紱爲誰紆  
芳草池塘春夢後  
粉香簾幙曉晴初  
一簪華髮要人梳

又

翠葆扶疎，傍藥闌亂飄綠。沼滿書簞，清明時節。  
又看看，小雨勒成春尾。恨東風偏作夜來寒。  
琴心老盡，不須彈。

又

薄日移陰，午暑空一盃。何事便潮紅，扇紈揮盡。  
却疎慵，早睡情懷冰枕。外夜涼消息，雨荷中。  
不須留燭，眩房櫳。

書舟詞

又

閒倚前榮小扇車晚妝無力雜雲顰凝情看落  
一庭花笑挽清風歸玉枕嬾隨缺月傍窗紗  
羞紅兩臉上嬌霞

點絳脣

梅雨收黃暑風依舊閒庭院露荷輕顫只有香  
浮面挂起西窗月澹無人見幽情遠墮釵低  
扇好個涼方便

愁倚闌令

三榮道  
上賦

山無數雨蕭蕭路迢迢不似芙蓉城下去柳如  
腰夢隨春絮飄飄知他在第幾朱橋說與杜  
鵬休喚怕魂銷

又

春猶淺柳初芽杏初花楊柳杏花交影處有人  
家玉窗明煖烘霞小屏上水遠山斜昨夜酒  
多春睡重莫驚他

書舟詞

四十五

汲古閣

生查子

溪光曲曲村花影重重樹風物小桃源春事還  
如許情知送客來又作尋芳去可惜一春詩  
總爲閒愁賦

又

長記別郎時月淡梅花影梅影又橫窗不見江  
南信無心換夕香有分怜朝鏡不怕瘦稜稜  
只怕梅開盡

又

春日  
別情

蘭帷夜色高繡被春寒擁何事玉樓人屢踏楊  
花夢分明相見陳不道幽情重乞個好因緣  
莫待來生種

長相思

對重陽感重陽身在西風天一方年年人斷腸  
景淒涼客淒涼縱有黃花祇異鄉晚雲連夢  
長

書舟詞



又

酒孤斟客孤吟  
歲馬臺荒露艸深  
英雄何處尋  
愛登臨莫登臨  
定是愁來闌客心  
莫天煙水沉

又

風敲窗雨敲窗  
窗外芭蕉雲作幢  
聲聲愁對床  
對銀缸點銀缸  
夢採芙蓉隔一江  
幾時蝴蝶

雙

如夢令

風入藕花翻重夜氣與香俱縱月又帶風來涼  
意一襟誰共情重情重可惜短宵無夢

憶王孫

蕭蕭梅雨斷人行門掩殘春綠蔭生翠被寒燈  
枕自橫夢初驚窗外啼鴉催五更

正伯與子瞻中表兄弟也故集中多潤蘊  
作如素雅忘一剪梅之類今悉刪正其酷

書府記

四十七

汲古閣

相思四代好折紅英  
諸詞家皆極欣賞  
謂秦七黃九莫及也  
湖南毛晉識

書舟詞 終